



Universitätsbibliothek Paderborn

Asiaticae Historiae Societatis Iesv Pars ...

Libris Qvatvor Conseqventibvs Pertexens, Quae post beatum S. Xauerij
Obitum Soc. Patres ad Dei gloriam in iisdem Prouinciis gessere

Bartoli, Daniello

Lvgdvni, 1667

1. Ormuzij situs, natura, vitia.

urn:nbn:de:hbz:466:1-11445



ASIATICÆ HISTORIÆ SOCIETATIS IESV.

L I B E R V.

SITVM est Geram, exigua insula, in angustijs faucium, quæ sinu Persidem à felici Arabia diuidunt: milliaribus sedecim vix totis clauditur: gradui Arctico subiacet vigesimo septimo; vna illam à Perside leuca; decem ab Arabia seiuungunt: natura infelix, & sterilitate, si qua toto usquam oriente. Nam ferè constat ex montibus, & montes ex sulphure, ac mordaci sale, cuius vim quamlibet immensam naues ad faburram dehuriant, inuisa nihilominus feracitate se reficit & perennibus ex venis uberius germinat. Plana macra & mortua, & malignitatis ad omnem cultum pertinacissimæ. Fama est olim septennio aruisse insulam eruantibus flammis subterraneis specubus, redactisque in cineres montibus, quorum etiamnum reliquis alblicant: aquis iugibus caret; puteis aliquot avaris utitur, & rei ingratique saporis; nullæ ibi nisi ex continent, aut vicinis insulis dulces aquæ. Vnde, nec herba pilus, nec arboris fibra, nihilque plantarum aut ultro nascitur, aut insertum viuit. Itaque lepidè P. Gonzalus Rodriguez aliquamdiu illic commoratus, aiebat illam peiori deuotam execratione quam esset in pœnam rebellis Adaini, terra omni à Deo inficta, quod nec spinis liceret, nec tribulis, nec virulentarum etiam herbarum pessimis illic nasci; sulphurariæ fodinæ om-

I.
Ormuzij situs, natura, vitia.

A nia



nia obtinerent, & corporatis qui eam incolebant dæmonibus condignos inferos conderent. Atque ut solum minimè arderet, quinque per annum integris mensibus, regio vniuersa cælo vritur æstuolissimo; putes dum spiras, non refrigerandis pulmonibus auram te ducere, sed torquendis visceribus vaporem igneum. Porro auem in ea, vel aliud animal non cernas, vt quibus nec potus, nec pabuli quicquam sit: stillat tantum quidem sub auroram quotidie ros, & in grana concretus de saporis dulcedine, mannae nomen sortitur. Cœterum insula etsi eam videotur natura eiurasse, damnasseque æterna egestate, hand tamen eguit habitatore vel hospite, sed fuit multitudine incolarum frequens; Vrbeque claruit tam opulenta, & splendida, vt vulgo iactaretur, si foret annulus orbis, vniuersus, gemmam eius. Ormuzium fore (hoc illi nomen, & ea tunc fama, nunc magna ex parte solitudo, & ruderæ) imminebat enim sinus Arabici, & Persici ostiis, porrectoque in mare ex tribus angulo (nam triangula est) aliorum duorum velut brachiorum tranquillo complexu, portus efficiebat duos, alterum orienti obuersum, alterum occidenti, stationis vtrumque omni ex parte tutissimæ, & capacissimæ. Hac affectis lucrorum opportunitate Persis, Arabibus, Armenis, & vtraque ex India, & Sinis, & Æthiopia, & regnis Africæ reliquis, nostraque adeò ex Europa mer catoribus, & institoribus, eò tandem Ormuzium creuerat vt nulli esset Orientalium yrbi secunda, & promeretur regni sedem Persarum ad limites ex aduerso iacentis; aulaque in eam, Bozoia ex vrbe demigraret: spirabant compita, vici, fora, ædificia omnia magnificientiam amplitudinem, & elegantiam; domos opere maurico perpulcro encaustum candidum variabat. Tecta illarum plana, vbi homines noctu sub dio, ad somnum coguntur decumbere, lectorum vice in conchis ligneis distenti, & capite tenus aqua mersi. Ardent enim inmodicis æstibus, quales nec patitur Guinea, nec S. Thomæ insula sub æquinoctij linea; & salugine halitus ex lapidibus expressi misere vaporantur. Cælo nihilominus fruuntur salubri, morbosque prope modum ignorant; quæ corporum sanitas deberi dicitur sudori quo madent perpetuo, humores noxios exsugente. Nec prætereundum quod illic naturæ peruvicacia edit prodigium; dum venti cæciæ calidissimo flatus refrigerat corpora, & aquas; apeliotis frigidissimo incendit. Itaque spirante ardore cæcia hibernis vestiuntur, quibus vt se pluribus onerant, ita refrigerantur iucundius. Ventos vero temperatores, æstati mitigandæ quæ partem anni maximam obtinet, modulantur; & ingeniolo tuborum & flexuum tormento in conclavia & aulas, domumque omnem trahunt cum æmœnissimo frigore. Incolarum pars minor indigenæ, negotiatorum yndique adueniarum potissima, & vulgo Arabum. Sed omnes promiscue illic linguae sonant. Penes regem olim fuerat regum summa, fere titulo tenus; consularis enim quædam auctoritas, eò ultra priuatam potentia, opumqne processerat, vnde regno rempublicam faceret. Reges quinetiam suspectos recuperandæ summæ potestatis, orbareret.

baret oculis , & palatio conclusos diuturnis malis absumeret. Iamque huiusmodi crudelissima fors quatuordecim Reges inuoluerat cum eō appellit Alfonsus Albuchercus qui nauibus septem & viginti præliariis, insulæ admotis , eaque multis impressionibus expugnata, etiam vr̄bem cepit, Regemque Zeifadinum restituit. Arce demūm ex pacto fœderis vrbi imposta, & muris solidè munita vertigale regnum Lusitanæ Regi fecit , Seraphinorum quot annis decies quinques millium. Hæc rerum Ormuzij forma ciuilis , & Physica cum Gaspar Berzeus de quo hic aginus ad eam applicuit ; morum autem ac vitæ ratio , qualis nusquam gentium detestabilior , colluione omnium scelerum , haud minus illuc aperta , & libera quam omnis generis mercium. Sectarum quantum orbe toto putet, fœcem totam eō confluentem , in se contrahebat Christianorum improbitas , & Mauros , Iudeos , Ethnicos viuendo referebat. Erat qui sacris vice Episcopi præcesserant cum eo & Sacerdotes quinque , sed (quod erubescunt eius sæculi acta) tam infami vita characteris Diuini sanctimoniam fœdantes , vt vel apud suos probrum audirent Christianitatis. Mysteriorum & diuini Verbi administratio , multis inde ab annis desierat , cum Deo feruens Episcopus breuem tunc illi operam dedit , nec ita fructuosam , quod eius conatus mors præpropera occuparit. Florebat è contrario Mahometes superbo Fano , si quod aliud tota Orientali plaga , hominūmque ad illud conferta frequentia colebratur. Grassabatur in populum maximè crimen triple luxuria , crudelitas , & auaritia. Priorē Arabes , & Persæ inuexerant ea fandi omnis & honesti euersione , & confusione vt inde Sodoma dicetur ; matrimonia ḡara , quæ forent vtcumque licita : concubinatus paſſim , atque inter externos proiectior ; crebra coniugiorum adulteria . Christiani absq; vlo pudore non modo ethnicas , Saracenas , & Iudeas ducebant , sed suscepitos ex iis liberos , materna superstitione imbui , per sceleratissimam ignauiam sinebant : fouebantque has turpitudines , luxus exotici profusæ delitiæ , quas in solum commodi omnis expers , aurī copia venales vndique trahebat ; quæ opum copia non patut industria , aut negotiorum fuit , sed perfidiae , ac fraudis. Negotiatorum ars summa censebatur , perplexis , multiplici dolo ambagibus , alienum suo adiungere. Nulla promissis , & conuentis fides , iniquum fœnus , in quotidiani commercij transcriptum iura. Scripsit ad amicum in Lusitaniam P. Manuel Cabralis , qui Berzeo successit; [Si cogeretur Se-
natus Dæmonum , ad contractus formam ex omni furandi specie con-
cinnandam , nunquam eius tot modos , rationesque excogitaturum , tam
probabili fuso subornatas , & æquo simulatas ita plausibili , vt in dies
videbat excogitari Ormuzij , quam idcirco iniusti fecoris Academiam
vocaret India] pergitque dicere Martinum Nauarrum , elucidandi cano-
nis insignem eo tempore magistrum , si Ormuzium veniret , prima in iis
in quibus eminebat noui studij tyrocinia positurum ad nouam lauream
doctoris petendam; adeò illic infinita esse quæ illum fugerent in argen-

A 2 taria

taria ratione. Postremo barbara feritate præ ceteris milites sœuiebant, quanquam nec ab ullo reliquorum criminum immunes. Cuicunque, (quod nunquam decret) de femina esset, aut lucris contentio, præsto erat huic miles sicarius, a quo riualis sui caput pretio emeret, qui velet sanguinis professus Mercaturam, nundinaretur eius mortem. Ormuzij denique immania scelera quantæ essent Orientalibus omnibus execrationi, & horro, testatur vel unus Xauerij metus, qui pertimescebat identidem ne tota cum suis insula, repente hiatu sorberetur, optabatque vehementissimè illius emendatione anteuertere illam cladem, nisi se à Deo ad recludendos Euangelio aditus in Iaponiam vocari sentiret apertius, quam ut dissimulanda sibi eius vocis relinquetur locus. Gaspar vero Berzeus compertâ iam vrbis conditione tam impiâ, flagitosâ & lamentabili, de se ipse conquerebatur mœrens, quod maiores ad eam expugnandam virtutum comineatus Goæ non parasset, quam quibus putabat-parem se operi tam arduo non esse.

^{2.} Natus est Berzeus anno 1515, Francisco, & Agneta honestis parentibus; Goesio patria siue vt indigenæ efferunt Gusio, Zelandiæ urbe. conuersio, & Prima eius ætate Latinis, Græcisque literis exculta, Louanium missus in tyrocinium. Collegio Castrio Philosophiæ impendit operam, eiusque cum laude ingenij decursæ lauream, & magisterium retulit, annum agens undeui- gelimum. Mox aut videndorum appetens nouorum, aut conditionis alii- cubi opimæ studio, pertæsus literarum, euadit in militem, datque in iis nomen quos tum Carolus quintus Imperator, Coloniae, aduersum Gallos, conscribebat. Verumenivero desideriis futilibus malignè re- pondit aliquot annorum militia, assiduæ in oculis mortes; continua- ærumnis pericula, terra, marique perpes, & crudelis labor, quæ trans- mittendis è Germania in Italiam alpibus bruma sœuiente; quæ repetitis saepius, vita ægræ subducta naufragiis; Deo sapientibus tot malis eru- diente terrenam animam, vt intelligeret quæ tristium iussuum mercede suos mundus haberet auctoratos; deinde vt Christi postmodum in ca- stris, exprobrarent suam ignauo stultitiam, si Deo placendi, & beatita- tis æternæ stipendio, minora auderet, quam olim ære vili, quo mil- lies vitam & sanguinem locarat; fateturque ipse quamlibet multa, & aspera, & Deo gloriosa perageret (constat autem ea certissimis testibus operarum decem strenuissimas vires superasse) semper tamen sibi coram insultasse vitæ imaginem in tyrannide sœuli exantlatæ, & occentasse præsentis in Dei obsequio languorem. Detersis igitur miseriarum acti collyrio animi oculis, librataque hinc præmis festuca, hinc malis ingentibus quæ de militia referebat, cordata se sensit pulsari cogitatione, si nempe tantumdem Christi causa præstaret, san- ctum se fore ac Deo carissimum, nam ex eo armorum inauspicato ministerio quid posset denique sibi obtingere, præter vitæ vndeumque infastæ exitum infeliciorem? fore autem easdem calamitates illas suas immensum utiles, quæstuosum laborem, & pretiosa pericula, si Deo illa